



21 OCT, 2020

## FAMA bantu 10 peserta eKasih di Pasir Puteh dan Machang

Utusan Borneo Sabah, Malaysia

Page 1 of 2

# FAMA bantu 10 peserta eKasih di Pasir Puteh dan Machang

**PASIR PUTEH:** Seramai 10 peserta eKasih di kawasan Parlimen Pasir Puteh dan Machang menerima bantuan dalam bentuk peralatan bernilai lebih RM100,000 daripada Lembaga Pemasaran Pertanian Persekutuan (FAMA) Kelantan setakat ini untuk tahun ini.

Timbalan Pengarahnya Mohd Hafiz Nurulhuda berkata pembelian peralatan terbabit termasuk mesin pengadun dan peti sejuk bertujuan membantu individu berkenaan meningkatkan penda-

patan mereka dengan mengeluarkan pelbagai produk tradisional dan moden.

“Bantuan itu berasaskan keperluan seseorang peserta, bertujuan mengeluarkan mereka daripada garis kemiskinan,” katanya kepada pemberita pada majlis penyampaian bantuan peralatan mesin kepada seorang peserta eKasih, Norita Jusof, 46, di sini, semalam.

Bantuan disampaikan oleh Ahli Dewan Undangan Negeri Kawasan Gaal Mohd Rodzi Jaafar.

Mohd Hafiz berkata bagi tempoh 2013 hingga sekarang, seramai 210 peserta eKasih dari seluruh Kelantan menerima bantuan itu dengan 100 orang sudah berjaya keluar daripada kepompong kemiskinan.

Selepas bantuan diberi, FAMA akan memantau aktiviti perniagaan mereka selama tiga tahun bagi memastikan peserta benar-benar aktif, selain bersedia menambah bantuan sekiranya perlu serta membantu memasarkan produk, katanya.

Sementara itu, Norita berkata dia bercadang meningkatkan pengeluaran serbukasam boi yang diusahakannya dengan sasaran memasarkan produknya ke seluruh negara.

“Selama ini saya hanya mengusahakan produk ini secara kecil-kecil di rumah, tetapi kini berjaya menyewa sebuah rumah kedai yang berfungsi sebagai kilang,” kata ibu tunggal itu yang turut berhasrat mengeluarkan pelbagai lagi produk khususnya dalam bentuk sejuk beku. — Bernama



21 OCT, 2020

## FAMA bantu 10 peserta eKasih di Pasir Puteh dan Machang

Utusan Borneo Sabah, Malaysia

Page 2 of 2

### SUMMARIES

PASIR PUTEH: Seramai 10 peserta eKasih di kawasan Parlimen Pasir Puteh dan Machang menerima bantuan dalam bentuk peralatan bernilai lebih RM 100,000 daripada Lembaga Pemasaran Pertanian Persekutuan (FAMA) Kelantan setakat ini untuk tahun ini. Timbalan Pengarahnya Mohd Hafiz Nurulhuda berkata pemberian peralatan terbabit termasuk mesin pengadun dan peti sejuk bertujuan membantu individu berkenaan meningkatkan pendapatan

mereka dengan mengeluarkan pelbagai produk tradisional dan moden.